

Bosna i Hercegovina  
Federacija Bosne i Hercegovine  
KANTON SARAJEVO  
KANTONALNA JAVNA USTANOVA  
„GERONTOLOŠKI CENTAR“  
S A R A J E V O

Broj: 11-1252-7/17.  
Sarajevo, 11.12.2017.god.

Na osnovu člana 64. stav (1) tačka a), člana 70. stav (1) i (3) Zakona o javnim nabavkama Bosne i Hercegovine („Službeni glasnik BiH“ br. 39/14) i člana 42. stav (2) alineja e) Pravila Kantonalne javne ustanove „Gerontološki centar“ Sarajevo, po preporuci Komisije za javne nabavke broj: 11-1252-6/17. od 08.12.2017.godine, Direktor Kantonalne javne ustanove „Gerontološki centar“ Sarajevo, d o n o s i:

#### **ODLUKU o izboru najpovoljnijeg ponuđača**

1. U otvorenom postupku javne nabavke **svježeg voća** za potrebe Kantonalne javne ustanove „Gerontološki centar“ Sarajevo, prihvata se preporuka Komisije za javne nabavke prema Zapisniku o pregledu i ocjeni ponuda za dodjelu ugovora, broj: 11-1252-6/17 od 08.12.2017.godine i **ugovor za nabavku svježeg voća** za period od tri godine, dodjeljuje se ponuđaču „TP DC“ Sarajevo d.d., ul. Rajlovačka bb, Sarajevo (Ponuda broj: 1384/17 od 26.09.2017.godine), za ponuđenu cijenu u iznosu od **43.520,70 KM bez PDV-a, odnosno 50.919,22 KM sa PDV-om.**

2. Prijedlog okvirnog sporazuma i ugovora o nabavci dostavit će se na potpis izabranom ponuđaču u roku od 15 dana, računajući od dana kada je ponuđač obaviješten o izboru.

3. Za izvršenje ove Odluke zadužuje se Služba za pravne i opće poslove KJU „Gerontološki centar“ Sarajevo.

4. Shodno članu 70. stav (6) Zakona o javnim nabavkama, ova Odluka će se objaviti na web stranici [www.gcs.com.ba](http://www.gcs.com.ba) istovremeno sa upućivanjem ponuđačima koji su učestvovali u postupku javne nabavke.

5. Shodno članu 71. stav (2) Zakona o javnim nabavkama ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke.

#### **O b r a z l o ž e n j e:**

Postupak javne nabavke **svježeg voća** za potrebe Kantonalne javne ustanove „Gerontološki centar“ Sarajevo pokrenut je Odlukom broj: 11-1252/17 od 06.09.2017.godine.

Javna nabavka je provedena putem otvorenog postupka za dostavu ponuda.

Procijenjena vrijednost javne nabavke za period od tri godine bez PDV-a iznosi maksimalno 75.000,00 KM.

Obavještenje o nabavci, broj: 897-1-1-80-3-14/17 o pokretanju otvorenog postupka za dostavu ponuda po predmetnoj nabavci objavljeno je na Portalu javnih nabavki dana 07.09.2017.godine i sažetak obavještenja o nabavci br. 65/17. objavljen je u Službenom glasniku BiH dana 08.09.2017.godine.

Zahtjev za preuzimanje tenderske dokumentacije su podnijeli:

1. TP DC Sarajevo d.d., ul. Rajlovačka bb, Sarajevo,
2. Opšta poljoprivredno-proizvodno-prometna zadruga sa p.o. „BIOS“, ul. Gornja Vratnica bb, Visoko,
3. VINOJUG d.o.o., ul. Igmanska br. 2-4., Sarajevo.

Komisija za javne nabavke je imenovana Rješenjem broj: 11-191/17 od 13.02.2017.godine.

Krajnji rok za dostavu ponuda je bio 29.09.2017.godine u 10:30. Istog dana u 11:30 sati je izvršeno javno otvaranje prispjelih ponuda na kojem su prisustvovali predstavnici ponuđača Opšta poljoprivredno-proizvodno-prometno-uslužna zadruga sa p.o. „BIOS“, ul. Gornja Vratnica bb, Visoko – Salih Babić i predstavnik ponuđača „VINOJUG“ d.o.o., ul. Igmanska br. 2-4. Sarajevo- Amira Gadžo.

Na javnom otvaranju ponuda je sačinjen Zapisnik u kome je konstatovano da su za navedenu nabavku ponudu podnijeli sljedeći ponuđači:

1. „TPDC“ Sarajevo d.d., ul. Rajlovačka bb, Sarajevo
2. Opšta poljoprivredno-proizvodno-prometno-uslužna zadruga sa p.o. „BIOS“, ul. Gornja Vratnica bb, Visoko
3. „VINOJUG“ d.o.o. Sarajevo, ul. Igmanska br. 2-4., Sarajevo.

Komisija za javne nabavke je dostavila dana 08.12.2017.godine Zapisnik o pregledu i ocjeni ponuda broj: 11-1252-5/17 od 08.12.2017.godine i Izvještaj o radu Komisije za javne nabavke i preporuka za dodjelu ugovora, broj: 11-1252-6/17 od 08.12.2017.godine.

U postupku po Zapisniku o pregledu i ocjeni ponuda i Izvještaju o radu Komisije za javne nabavke je utvrđeno da je Komisija blagovremeno i pravilno izvršila otvaranje ponuda i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3,
- da su blagovremeno zaprimljene 3 ponude,
- da nema neblagovremeno zaprimljenih ponuda,
- da su pristigle ponude ponuđača:
  - 1) „TPDC“ Sarajevo d.d., ul. Rajlovačka bb, Sarajevo
  - 2) Opšta poljoprivredno-proizvodno-prometno-uslužna zadruga sa p.o. „BIOS“, ul. Gornja Vratnica bb, Visoko
  - 3) „VINOJUG“ d.o.o. Sarajevo, ul. Igmanska br. 2-4., Sarajevo

Komisija za javne nabavke je konstatovala da je ponuđač TP DC Sarajevo d.d. u Aneksu 2. u izjavi ponuđača, pod tačkom 3. upisao cijenu ponude za jednu godinu, dok je u Aneksu 4. u obrascu za cijenu ponude upisao cijenu ponude za jednu i za tri godine.

Tačkom 8.4.2. Tenderske dokumentacije je propisano: „Ukupna cijena ponude mora biti izražena u izjavi ponuđača (Aneks 2.) i obrascu za cijenu ponude (Aneks 4.). U slučaju da se ne slažu cijene iz ova dva obrasca prednost se daje cijeni bez PDV-a iz obrasca za cijenu ponude“.

Prema navedenoj tački tenderske dokumentacije, Komisija za javne nabavke je dala prednost cijeni ponude iz Aneksa 4. Tenderske dokumentacije.

Tenderskom dokumentacijom je u skladu sa članom 64. Zakona o javnim nabavkama kao kriterij za dodjelu ugovora utvrđen „ekonomski najpovoljnija ponuda“ sa decidno razrađenim podkriterijima i metodologijom za vrednovanje ponuda.

Komisija za javne nabavke je na osnovu podkriterija i metodologije za vrednovanje ponuda, ponude bodovala na sljedeći način:

R.b.	Ponuđač	Cijena ponude	Rok isporuke	Rok plaćanja	Ukupni broj bodova
1.	„TPDC“ Sarajevo d.d., ul. Rajlovačka bb, Sarajevo	43.520,70 KM bez PDV-a, 50.919,22 KM sa PDV-om  60 bodova	Isti dan po narudžbi  20 bodova	60 dana  20 bodova	100 bodova
2.	„VINOJUG“ d.o.o. Sarajevo, ul. Igmanska br.2-4. Sarajevo	56.489,10 KM bez PDV-a, 66.092,25 KM sa PDV-om  46,22 boda	Isti dan po narudžbi  20 bodova	60 dana  20 bodova	86,22 bodova
3.	Opšta poljoprivredno-proizvodno-prometno-uslužna zadruga sa p.o. „BIOS“, ul. Gornja Vratnica bb, Visoko	68.631,12 KM bez PDV-a, 80.298,41 sa PDV-om  38,04 bodova	Isti dan po narudžbi  20 bodova	60 dana  20 bodova	78,04 bodova

Prema kriteriju za odabir ponude i ukupno ostvarenom broju bodova Komisija za javne nabavke je ponuđače rangirala na sljedeći način:

R.b.	Ponudač	Ukupni broj bodova
1.	“TPDC” Sarajevo d.d., ul. Rajlovačka bb, Sarajevo	100 bodova
2.	“VINOJUG” d.o.o. Sarajevo, ul. Igmanska br. 2-4. Sarajevo	86,22 bodova
3.	Opšta poljoprivredno-proizvodno-prometno-uslužna zadruga sa p.o. „BIOS“, ul. Gornja Vratnica bb, Visoko	78,04 bodova

Obzirom da je ponuda ponuđača “TPDC” Sarajevo d.d., ul. Rajlovačka bb, Sarajevo ocijenjena kao prihvatljiva i najpovoljnija, sa ukupnim brojem od 100 bodova, u odnosu na ponudu ponuđača „VINOJUG“ d.o.o. Sarajevo, ul. Igmanska br. 2-4., Sarajevo koja je bodovana sa 86,22 bodova i ponudu ponuđača Opšta poljoprivredno-proizvodno-prometno-uslužna zadruga sa p.o. “BIOS”, ul. Gornja Vratnica bb. Visoko, koja je bodovana sa 78,04 bodova, Komisija za javne nabavke je predložila prihvatanje ponude, te shodno članu 70. stav 1. i 3. Zakona, donošenje Odluke o izboru ponude ponuđača “TPDC” Sarajevo d.d., ul. Rajlovačka bb., Sarajevo, kao najpovoljnije za predmetnu nabavku. Cijena najpovoljnije ponude bez PDV-a za period od 3 godine iznosi 43.520,70 KM, a ukupna cijena ponude sa PDV-om za period od 3 godine iznosi 50.919,22 KM.

Prilikom donošenja ove Odluke posebno je ocijenjena činjenica da je Komisija za javne nabavke shodno kriterijima iz Tenderske dokumentacije pravilno i potpuno izvršila ocjenu kvalificiranosti ponuđača, te ocjenu prihvatljivih ponuda prema podkriterijima i metodologiji za vrednovanje ponuda.

Ocjenom provedenog postupka direktor KJU „Gerontološki centar“ Sarajevo nije našao ni jedan razlog nepravilnosti, niti propuste u radu Komisije za javne nabavke, koji bi eventualno bili osnov za neprihvatanje Preporuke Komisije.

Naime, ocijenjeno je da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju nesporno je da je izabrani ponuđač “TPDC” Sarajevo d.d., ul. Rajlovačka bb Sarajevo, dostavio prihvatljivu ponudu, sa ponudenom ukupnom cijenom 43.520,70 KM bez PDV-a.

Iz navedenih razloga, primjenom člana 64.stav (1) tačka a) Zakona o javnim nabavkama, te Izvještaja o radu Komisije za javne nabavke i preporuke za dodjelu ugovora, broj: 11-1252-6/17 od 08.12.2017.godine, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana, od dana prijema ove Odluke. Žalba se podnosi Kantonalnoj javnoj ustanovi „Gerontološki centar“ Sarajevo u pisanoj formi, u 3 (tri) primjerka.

Dostavljeno:

- 1x „TPDC“ Sarajevo d.d., ul. Rajlovačka bb, Sarajevo
- 1x “VINOJUG” d.o.o., ul. Igmanska br.2-4. Sarajevo
- 1x Opšta poljop.-proiz.-prom.-uslužna zadruga sa p.o. “BIOS” ul. Gornja Vratnica bb. Visoko
- 1x Sl.za pravne i opće posl.Geront.centra
- 1x Komisija za javne nabavke
- 1x a/a

